

## AGERIKO BATZARRA

*Donostian, 1999ko azaroaren 26an*

Donostian, Gipuzkoako Diputazioaren jauregian, 1999ko azaroaren 26an, arratsaldeko lau eta erdietan, eman dio hasiera Euskaltzaindiak hil berri diren Anbrosio Zatarain euskaltzain urgazlearen eta Jose Antonio Loidi eta Bernardo Estornes Lasa euskaltzain ohorezkoen omenezko ageriko batzarrari.

J. Haritschelhar euskaltzainburua, P. Goenaga idazkaria eta J. A. Arana diruzaina eseri dira mahaiburuan, honako euskaltzainak ere bileran direla: P. Altuna, M. Azkarate, P. Charritton, J. L. Davant, X. Diharce, A. Iñigo, X. Kintana, E. Larre, J. M. Lekuona, B. Oihartzabal, Tx. Peillen, J. San Martin, J. M. Satrustegi eta A. Urrutia. Ezin etorria adierazi dute H. Knörrek, X. Kintanak eta P. Ondarrak.

Euskaltzain urgazle hauek ere izan dira: J. A. Aduriz, Antton Aranburu, Pakita Arregi, M. Atxaga, R. Badiola, Juan Garmendia, M<sup>a</sup> Pilar Lasarte, J. L. Lizundia, J. J. Zearreta eta J. R. Zubimendi.

Euskaltzain jaun-andre hauez gainera, hiru omenduen senitarteko ugari ere bildu dira aretoan.

Batzarraren hasieran bilduak agurtu ditu euskaltzainburuak eta omenduen familiakoei Euskaltzaindiaren dolua agertu.

Ondoren, idazkariak hartu du hitza goizeko bilkuraren berri emateko. Hiztegi batuen inguruan egin den lana aipatu du batez ere. Zuzendaritzak berrikitan Madrileria egindako bidaia ere aipatu du.

Gero, euskaltzainburuak Mikel Atxaga jaunari eman dio hitza Anbrosio Zatarain euskaltzain urgazle zenaren hilberria irakurtzeko. Zenduaren jatorriari dagozkion gorabeherak aipatu ditu, haren merezimenduak, zaletasunak eta euskara batuaren inguruan izan zuen jokoera eta abar. Gizon jakintsua, kultura handikoa, euskaltzalea eta aberztalea.

Hitzaldi mamitsu eta hunkigarri honen ostean Juan San Martin jaunak irakurri du bere hilberri txostena J. A. Loidi euskaltzain ohorezko zenaren omenetan. Euskal nobelagintzaren historiari betiko loturik geratuko den gizon honen bizitza, ikasketak eta merezimendu ugariak goraiatu ditu.

Bernardo Estornes Lasa euskaltzain ohorezkoaren hilberri txostena irakurri du azkenik J. M. Satrustegi jaunak. Estornes Lasaren eskutik altxor handi bat jaso du Euskal Herriak. Diru-kontularitzak eta finantza munduak baino gehiago erakarri zuen eus-

kaltzaletasunak. Erbesteko ogi mindua dastatzea ere egokitu zitzaion urte luzeetan zehar. Lan ugari utzi zuen bere bizi luze eta emankorrean.

Jendeak hiru hitzaldiak eskertu eta txalotu ditu. Haritschelhar jaunaren hitzetan, Euskaltzaindiak bere eginbidea betetzen du zenduak direnak omenduz. Orain, entzundako hitzaldiei esker, hobeki dakite denek nor izan ziren Zatarain, Loidi eta Estornes. Hiru euskaltzain suhar horiek Euskaltzaindiak gogoan atxikiko dituela esan die familiakoei.

Euskaltzainburuaren hitz horiekin amaitutzat eman da ekitaldia, arratsaldeko seiak laurden gutxi zirela.

Jean Haritschelhar,  
euskaltzainburua

Patxi Goenaga,  
idazkaria

\* \* \*